



ADMINISTRACIÓN LOCAL

MUNICIPAL

ARTEIXO

Deportes

Aprobación das bases reguladoras para a concesión de subvencións destinadas a actividades deportivas en réxime de concorrencia competitiva

ANUNCIO

APROBACIÓN DAS BASES REGULADORAS PARA A CONCESIÓN DE SUBVENCÍONS DESTINADAS A ACTIVIDADES DEPORTIVAS EN RÉXIME DE CONCORRENCIA COMPETITIVA ANO 2025.

O Pleno da Corporación Municipal en sesión Ordinaria celebrada o xoves 27 de marzo de 2025 aprobou as bases reguladoras da concesión de bolsas para deportistas en réxime de concorrencia competitiva.

De conformidade co artigo 19 do Real Decreto Lexislativo 2/2004, de 5 de marzo, contra dito acordo poderase interpor recurso contencioso-administrativo, sen prexuízo de calquera outro recurso que os interesados estimen procedente.

BASES REGULADORAS PARA A CONCESIÓN DE SUBVENCÍONS DESTINADAS A ACTIVIDADES DEPORTIVAS EN RÉXIME DE CONCORRENCIA COMPETITIVA.

1. Finalidade e obxecto. (Art. 17.3.a) Lei 38/2003, de 17 de novembro, Xeral de Subvencións; en adiante LXS)

O Concello de Arteixo ten como obxectivo mellorar as condicións de vida das persoas que residen no municipio, podendo realizar a actividade municipal para o desenvolvemento das súas políticas públicas tanto de forma directa como indirecta, favorecendo a realización por parte de persoas ou colectivos, de actividades de interese xeral. A actividade de fomento é aquela actividade administrativa dirixida a satisfacer de maneira indirecta determinadas necesidades de carácter público, promovendo a acción das persoas particulares mediante o outorgamento de diferentes incentivos que a fagan posible. As subvencións son as ferramentas que permiten orientar a actividade das persoas particulares, así como a consecución dos obxectivos por quen pode estar en mellor disposición de alcanzalos e por quen pode axilizar a súa execución.

A Lei 38/2003, de 17 de novembro, Xeral de Subvencións, no seu preámbulo, expón que unha parte importante da actividade financeira do sector público se canaliza a través de subvencións co obxecto de dar resposta a demandas sociais e económicas de persoas e entidades a través de medidas de apoio financeiro.

Esta lei, no seu artigo 8.1, establece como elemento de xestión e instrumento de mellora a conveniencia de elaborar un Plan Estratéxico de Subvencións que permita relacionar os obxectivos e acadar os efectos que se pretenden conseguir cos custos previstos e a súa financiación. A finalidade é a de adecuar as necesidades públicas a cubrir mediante as subvencións cos recursos dispoñibles.

Por este motivo o Concello de Arteixo realizou un Plan Estratéxico, que foi aprobado con data de 28 de marzo de 2018 no Pleno do Concello de Arteixo, e no que se contemplan as áreas e materias a fomentar, así como os obxectivos e efectos que se pretenden acadar co outorgamento das subvencións. Este Plan foi aprobado inicialmente para o período 2018-2021 (BOP número 64 de 5 de abril de 2018), e foi prorrogado durante o exercicio 2022 tendo unha vixencia de tres anualidades, polo que abarca o período 2023-2025, desde o 1 de xaneiro do ano 2023 hasta o 31 de decembro do 2025.

Dentro do Plan Estratéxico Municipal recóllense diferentes obxectivos, tanto prioritarios como estratéxicos, sendo estes últimos aqueles que proporcionan o marco para establecer a planificación a medio prazo da actividade de fomento do concello. Estes obxectivos estratéxicos desagreganse noutros obxectivos específicos.

Entre os diferentes obxectivos estratéxicos deste plan está a Educación e o Deporte, que se desagregarían entre outros, nos obxectivos específicos de Facilitar e estimular o acceso ao cidadán á actividade físico-deportiva, apoiar ás entidades deportivas de Arteixo e fomentar o deporte federado.

Neste PES, para acadar os obxectivos propostos, recóllense diferentes liñas de subvencións, sendo unha delas a Liña de Promoción do Deporte, que da lugar a distintos programas de subvencións. Ao amparo deste Plan Estratéxico de Subvencións Municipal e seguindo as directrices do mesmo, realízase a convocatoria para a concesión de subvencións destinadas a actividades deportivas en Réxime de Concorrencia Competitiva.

O obxecto destas subvencións vén a desenvolver as actuacións de promoción do deporte en beneficio do desenvolvemento deportivo local, definidas no ámbito do artigo 25.2. apartado I) da Lei 7/1985 Reguladora das bases de Réxime

local, e así mesmo, dita actuación atópase recollida no ámbito das competencias definidas para os municipios no artigo 8 apartados 2 e 9, da Lei 3/2012 de 2 de abril del deporte de Galicia.

A finalidade destas bases e da convocatoria correspondente é a promoción e fomento do deporte, subvencionando actividades realizadas no Concello de Arteixo, coa finalidade de apoiar:

- Ás entidades locais sen ánimo de lucro na creación ou mantemento de actividades, fomento do deporte base, deporte para todos, organización de eventos deportivos, así coma na dotación de equipamentos das programacións que desenvolven en materia de deportes.
- A promoción dos deportes autóctonos, xa que o Concello de Arteixo considera relevante dentro das súas competencias de promoción do deporte, axudar a aquelas entidades que seguen mantendo o obxectivo de contribuír á divulgación, exhibición dos deportes autóctonos e tradicionais.

En base á súa finalidade distínguense cinco liñas de financiamento para entidades deportivas:

- 1) Programa de fomento do deporte federado en deportes de equipo (fútbol, baloncesto, balonmán, rugby, hockei...)
- 2) Programa de fomento do deporte federado en deportes individuais (natación, salvamento, triatlón, judo, patinaxe, tiro con arco, ciclismo, deportes de motor, atletismo, montaña, surf...)
- 3) Programa de eventos deportivos.
- 4) Programa de fomento de programas de actividade física saudable.
- 5) Programa de deportes autóctonos.

As entidades deportivas poderán solicitar subvención para unha ou varias liñas de financiamento, sen límite de eventos e programas, co único requisito obrigatorio que reciban un mínimo do 30% da puntuación máxima establecida nos criterios de avaliación en cada un dos eventos deportivos ou programas de fomento de actividade física saudable.

1. Crédito orzamentario. Para cada exercicio, será o que se verifique e aprobe na correspondente convocatoria.

2. Entidades beneficiarias e requisitos para solicitar a subvención. (Art. 17.3.b) LXS).

Poderán acollerse a esta convocatoria de subvencións todas as asociacións ou entidades sen ánimo de lucro legalmente constituídas. Non poderán ser obxecto de axuda na presente convocatoria as actividades, talleres ou equipamentos subvencionados ou financiados no mesmo exercicio a través doutras convocatorias, convenios ou plans do Concello de Arteixo. Quedan expresamente excluídas desta convocatoria as federacións deportivas e entidades deportivas que non teñan o domicilio social no Concello de Arteixo.

Requisitos:

- Estar inscritas no Rexistro Municipal de asociacións no momento da solicitude.
- Carecer de fins de lucro.
- Ter o domicilio social no termo municipal de Arteixo. Terase en conta para determinar o domicilio social da entidade, o domicilio que figure nos estatutos da mesma.
- Para poder concorrer ao programa de Fomento de Deporte Federado as entidades deportivas deberán contar, como mínimo, co 50% dos deportistas empadroados en Arteixo que desenvolvan a súa actividade no termo municipal de Arteixo. No caso de non cumprir este requisito, poderán participar unicamente no resto dos programas (Programa de eventos deportivos e Programa de fomento de programas de actividade física saudable.)
- Desenvolver as súas actividades no ámbito territorial do concello de Arteixo ou sobre temas de interese para o concello de Arteixo.
- Non ter pendente de xustificación ningunha subvención ou axuda perante o Concello de Arteixo para o mesmo obxecto para o que se solicita a nova subvención.
- Non estar incurso en ningún dos supostos de incapacidade ou incompatibilidade para a percepción de axudas ou subvencións públicas do artigo 13 da Lei 38/2003, de 17 de novembro.
- Estar ao corrente das súas obrigas tributarias estatais, autonómica, locais e da Seguridade Social.
- As entidades solicitantes deberán reunir os requisitos establecidos no artigo 10 e 11 da Lei 9/2007 do 13 de xuño, de subvencións de Galicia e non estar incurso en prohibición para ser beneficiario de subvención das previstas no citado artigo para o que se esixirá aos solicitantes unha declaración de non estar incurso nas prohibicións que recollen os apartados 2 e 3 do referido artigo 10 da Lei 9/2007.

- Realizar a actividade deportiva subvencionada consonte co proxecto presentado coa solicitude, deixando constancia do financiamento municipal das actividades subvencionadas en calquera actividade ou evento organizado pola entidade coa inclusión da imaxe corporativa municipal.
- Responder da veracidade dos datos da solicitude, baixo a persoal responsabilidade da persoa que subscriba a solicitude.
- Someterse ás actuacións de comprobación e control financeiro que poidan realizar os órganos de control competentes, achegando canta información lle sexa requirida no exercicio das actuacións anteriores.

1. Condicións de solvencia e eficacia que deben reunir as persoas xurídicas ás que se refire o apartado dous do artigo 12 da Lei Xeral de Subvencións (Art. 17.3.c) LXS). Non procede

2. Forma e prazo de presentación de solicitudes. As solicitudes de subvención, xunto coa documentación precisa, presentaranse, consonte o disposto no artigo 14.2 da Lei 39/2015, do 1 de outubro, da Lei de Procedemento Administrativo Común das Administracións Públicas, por medios electrónicos, ben a través da sede electrónica (<https://sede.arteiro.org/sxc/gl/>) ou a través de calquera dos rexistros electrónicos das administracións públicas segundo establece o art.16.4a) do mesmo texto legal, con expresa indicación de que de non facelo así, a unidade tramitadora, ao abeiro do disposto no artigo 68.4 requirirá a súa subsanación a través da presentación electrónica da solicitude. A estes efectos, segundo indica textualmente o mencionado texto legal “considérase como data de presentación da solicitude aquela na que se realice a subsanación”. A convocatoria para a concesión das subvencións previstas nas presentes bases, segundo o disposto na Lei 38/2003, de 17 de novembro xeral de subvencións publicárase no Boletín Oficial da Provincia da Coruña. O prazo para presentar as solicitudes será de DEZ DIAS HÁBILES, contado dende o seguinte ao da publicación oficial do extracto da convocatoria no Boletín Oficial da Provincia da Coruña na forma e nos termos previstos na Lei Xeral de Subvencións (artigo 17.3.b, 18 e 20.8). Así mesmo publicáranse as bases no Boletín Oficial da Provincia da Coruña e na páxina web do Concello de Arteixo (<https://arteixo.org/>).

3. Procedemento de concesión da subvención. (Art. 17.3.d) LXS). O procedemento para a concesión das subvencións previstas nestas bases axustarase ao establecido nos artigos 9 a) e 10 a) da Ordenanza Municipal número 26 da concesión de subvencións municipais; nos artigos 20, 21, 22, 23 e 24 da Lei 9/2007, do 13 de xuño, de subvencións de Galicia, concordantes cos artigos 23,24,25 e 26 da Lei 38/2003, do 17 de novembro, xeral de subvencións

4. Criterios de avaliación para todos os programas. (Art. 17.3.e) LXS). A concesión ou denegación das subvencións, así como a súa cuantificación económica, efectuarase tendo en conta os seguintes criterios:

Criterios xerais. A concesión das subvencións corresponde, previo informe técnico, á Alcaldía – Presidencia. O importe máximo susceptible de ser subvencionado polo Concello en cada actividade pode acadar ata o 80 % do custo total da mesma e non poderá ser superior ao importe solicitado pola entidade.

No suposto no que debido á aplicación dos criterios das bases, resultase unha cantidade superior á solicitada, esta diferenza non será distribuída noutro programa, nin a outra entidade dentro do mesmo programa, para non superar o importe solicitado pola entidade.

Esta subvención é compatible con outras axudas, de entidades públicas ou privadas. En ningún caso o importe da subvención municipal poderá ser de tal contía que, en concorrencia con outros ingresos, subvencións ou axudas, supere o custo da actividade xustificada polo beneficiario.

Criterios específicos. A ponderación relativa atribuída a cada un dos criterios de valoración é a seguinte:

CRITERIOS ENTIDADES DEPORTIVAS	% RELATIVA
1. Programa de fomento do deporte federado colectivo.	32%
2. Programa de fomento do deporte federado individual.	48%
3. Programa de eventos deportivos.	5%
4. Programa de fomento de programas de actividade física saudable.	13,5%
5. Programa de Deportes Autóctonos	1,5%

Na resolución da convocatoria anual específica poderase modificar a distribución dos niveis porcentuais indicados se como consecuencia das solicitudes presentadas existise un maior número de proposicións económicas que se orientase

en maior densidade a calquera dos programas deportivos encadrados nos criterios sinalados co obxecto de establecer unha distribución económica máis equitativa e igualitaria.

Programa de Deportes Autóctonos: No programa de deportes autóctonos, 500 € será a cantidade máxima a outorgar para cada unha das entidades solicitantes.

Procedemento de avaliación de solicitudes

Programas 1 e 2: Fomento do Deporte Federado (Máximo 100 puntos). Neste programa soamente se valorará a aquelas entidades que teñan polo menos un 50% dos seus deportistas con licenza deportiva anual, empadroados no concello de Arteixo. No caso de non cumprir este requisito e non alcanzar este 50% de empadroados, poderán concorrer aos outros 2 programas (Programa de eventos deportivos e programa de fomento de programas de actividade física saudable), pero non a este.

A ponderación atribuída a este criterio asignarase en base ao seguinte baremo en función dos seguintes criterios:

a)Número de licencias federadas de deportistas con actividade regular en Arteixo de modalidades recoñecidas polo Consello Superior de Deportes (en adiante CSD), entendendo por licenza deportiva aquel documento emitido pola Federación deportiva Autonómica ou Estatal correspondente que habilita á participación en competicións deportivas, seguindo as condicións e requisitos que conteñen no artigo 7 do Real Decreto 1835/1991, de 20 de decembro, sobre Federacións Deportivas Españolas e Rexistro de Asociacións Deportivas. Máximo 50 puntos. A puntuación aplicarase outorgando acumulativamente:

TIPO DE LICENZA	PUNTOS
Licenza absoluta e anterior	1
Licenza veteranos	0,25
Licenza persoas con discapacidade	1,5
Licenza base	2
Licenza feminina.	2
Licenza adestradora	2
Licenza adestrador	1

Sobre o total da puntuación obtida a partir da contabilización das licencias aplicarase un coeficiente en función da proporción do número de deportistas empadroados no concello na forma que se determina a continuación:

PORCENTAXE DE EMPADROADOS	COEFICIENTE A APLICAR
Entre 50 - 59,99 %	1
Entre 60 - 69,99%	1,5
Entre 70 - 79,99%	2
Entre 80 - 89,99%	2,5
Entre 90 - 100%	3

Á entidade deportiva de maior puntuación outorgaráselle 50 puntos como máximo e ao resto de entidades proporcionalmente.

Non se terán en conta como deportistas federados, aos que posúan licencias expedidas para a participación en cursos ou para actividades puntuais que non constitúan a actividade deportiva habitual e preferente de cada modalidade deportiva ou para probas federadas non competitivas ou non puntuables para campionatos federados oficiais.

Valorarase única e exclusivamente a través do certificado emitido pola federación correspondente. Soamente se computarán as licenzas de competición anuais, quedando expresamente excluídas as licenzas con denominación de día, afeccionadas, amateur, sociais, ou non competitivas, segundo a denominación que se estableza nas federacións correspondentes. Do mesmo xeito excluíranse as licenzas de carácter non anuais.

b)Ámbito deportivo. No seguinte apartado terase en conta o ámbito das competicións nas que participan os equipos e os deportistas da entidade deportiva solicitante na tempada en vigor. (Soamente se computarán as categorías e os

resultados de aquelas categorías que abranguen desde aquelas nas que os deportistas teñen cumpridos ou cumplan 12 anos no ano da convocatoria, hasta categoría sénior).

Atenderase ao grao de representatividade do concello nas competicións nas que participe cada unha das diferentes categorías da entidade deportiva no suposto de deportes colectivos e nas que participen os deportistas de deportes individuais cando participen baixo o nome do seu club, atendendo ao ámbito e nivel da competición, organizada pola federación deportiva internacional, española ou autonómica dos diferentes niveis existentes e o número de ligas de participación por clasificación e acceso, con ou sen requisito de participación. 20 puntos como máximo e ao resto de entidades proporcionalmente, atendendo ao seguinte baremo:

Considerarase o ámbito xeográfico de participación na competición regular (liga) nos deportes colectivos e individuais con formato de Liga, os desprazamentos definidos no calendario, é dicir, o nome da competición non definirá o seu ámbito xeográfico.

Nos deportes individuais sen formato de Liga regular considerarase o ámbito xeográfico en función do nome da competición, non do lugar onde se desenvolva dita competición.

Nivel de competición oficial federada	Modalidades individuais sen formato de liga	Modalidades colectivas e individuais con formato de liga por cada un dos equipos
Internacional	Ata 5 puntos (1-5 probas)	16 puntos
Nacional	Ata 3 puntos (1-5 probas)	8 puntos
Autonómica	Ata 1 puntos (1-5 probas)	4 puntos
Provincial	Ata 0,5puntos (1-5 probas)	2 puntos
Comarcal	Ata 0,25puntos (1-5 probas)	1 puntos
Ascensos (para formato de ligas)		15 puntos

Considerarase ámbito internacional cando haxa polo menos 3 equipos inscritos e participantes.

Valoraranse os ascensos acadados na tempada anterior á actual por aqueles equipos que estean formados por polo menos un 50% de empadroados no concello de Arteixo. Deberán ser ascensos consumados, é dicir, que os equipos estean disputando a competición na tempada actual, na categoría superior á da tempada anterior. Só se valorarán os ascensos desde categoría cadete a sénior.

ÁMBITO DEPORTE COLECTIVO POR EQUIPOS. Considerarase como modalidade colectiva aqueles deportes nos que se participa ou compite en equipo, entendendo como equipo a unión de máis de dous xogadores para acadar un mesmo obxectivo, realizando unha serie de accións regulamentadas en colaboración, cooperación e participación de todos, tratando de vencer a oposición dos contrarios ou adversarios que igualmente se organizan en equipo co mesmo fin. (baloncesto, balonmán, fútbol, rugby, hockei,...). Soamente se computarán competicións oficiais que pertencen ao calendario da federación deportiva correspondente (autonómica, nacional ou internacional) de aqueles equipos que dispoñan de 10 ou máis xornadas na competición regular.

ÁMBITO COMPETICIÓN INDIVIDUAL. Considerarase como modalidade individual os seguintes deportes (natación, salvamento, triatlón, judo, patinaxe, tiro con arco, ciclismo, deportes de motor, atletismo, montañismo (escalada), surf, xadrez, esgrima, espeleoloxía,...). Os clubs puntuarán segundo o ámbito das competicións nas que participan nas súas diferentes categorías. Soamente se computarán as competicións oficiais que pertencen ao calendario da federación deportiva correspondente.

Valoraranse tanto a participación en ligas oficiais organizadas polas correspondentes federacións, así como a participación en competicións oficiais que pertencen ao calendario da federación deportiva correspondente. Valoraranse unicamente aquelas categorías donde os participantes teñan como mínimo 12 anos, ou os cumplan no ano da convocatoria, ata categoría sénior.

c) Colaboración co Concello e co Servizo Municipal de Deportes en actividades deportivas desenvoltas por estes. As entidades Deportivas que tiveran colaborado co Concello ou co SMD en actividades deportivas no ano anterior ao da convocatoria outorgaráselle ata 5 puntos (participación ou colaboración con voluntarios en eventos como o Día do Deporte, Carreira Popular, obradoiros.....)

d) Estrutura técnica. Valorarase o volume de persoal técnico contratado, e a cualificación do mesmo. Para ser valorado este criterio, xunto á solicitude anexarase a documentación que acredite axeitadamente a titulación do persoal e contrato laboral ou documento que acredite que o persoal técnico está dado de alta no réxime laboral axeitado. Ademais, esta documentación virá acompañada da vida laboral da persoa contratada no formato axeitado no que pareza reflectido, o tipo

de contrato da persoa traballadora, número de horas semanais ou porcentaxe ao respecto da xornada completa segundo o convenio laboral de aplicación e o nivel de contratación (monitora, coordinadora,...). Á entidade deportiva con maior puntuación outorgaráselle un máximo de 20 puntos e ao resto proporcionalmente, atendendo ao seguinte baremo:

- Título oficial específico da modalidade nivel III ou equivalente, ou título de Licenciado/Graduado en CCAFD: 1 punto por título e contrato
- Título oficial específico da modalidade Nivel II ou equivalente: 0,5 puntos por título e contrato
- Título oficial específico nivel I ou equivalente, ou título TSAFD: 0,25 puntos por título e contrato

Terase en conta o sumatorio das titulacións dos diferentes adestradores, nos casos en que coexista máis de un. Si un adestrador está en posesión de varios títulos, valoraráselle unicamente o de maior nivel e puntuación.

A puntuación de cada entidade realizarase a través da correlación entre o número de horas de contrato semanal de cada adestrador, e o nivel desta titulación, multiplicando este número de horas semanais, por 0,25, por 0,5, ou por 1, en función da titulación debidamente acreditada. A puntuación de cada entidade obtense da suma de todos os puntos dos seus adestradores unha vez realizada esta correlación. Á entidade que obteña máis puntuación outorgaráselle 20 puntos, e ao resto de xeito proporcional.

e) Obtención de outras subvencións. Valorarase a obtención de subvencións de outras administracións públicas para o mesmo concepto no ano anterior á solicitude. Para ser valorado este criterio, xunto á solicitude anexarase a documentación que acredite axeitadamente a obtención da subvención. As entidades deportivas poderán acadar ata un máximo de 5 puntos, atendendo ao seguinte baremo:

- Subvención da Xunta de Galicia: 2,5 puntos máximo
- Subvención da Deputación de A Coruña: 2,5 puntos máximo

Programa 3: Celebración de eventos deportivos (Máximo 100 puntos). Terán a consideración de evento deportivo os seguintes modelos de eventos:

1. Campionato galego/nacional ou internacional da modalidade deportiva correspondente.
2. Fases finais das competicións federadas de carácter provincial, autonómico, nacional ou internacional.
3. Eventos de carácter formativo ou de especialización técnica sempre e cando estean dentro do calendario federativo.
4. Eventos ou torneos nos que participen equipos ou clubs de relevancia tanto a nivel autonómico como nacional ou internacional da modalidade deportiva correspondente.
5. Eventos ou torneos no que actúen un número relevante de deportistas e clubs, ou ben de non cumprirse o anterior, que teñan suficiente relevancia e repercusión.
6. Eventos que poñan en valor a riqueza natural do Concello de Arteixo.

A ponderación atribuída a este criterio asignarase en base ao seguinte baremo en función dos seguintes criterios:

- **Proxecto técnico da actividade programada:** Ata 50 puntos.
 Descrición. Ata 10 puntos
 Estrutura Técnica necesaria para desenvolver o evento. Ata 10 puntos.
 Número de participantes. Ata 10 puntos.
 Número de categorías que participan no evento. Ata 10 puntos.
 Duración en tempo do evento (1 día, 2 días, 3 días...). Ata 10 puntos.
- **Traxectoria da actividade e grao de consolidación no sistema deportivo local.** Ata 10 puntos. Valorarase tanto o número de edicións da proba como os anos de existencia do club en Arteixo.
- **Orzamento.** Terase en conta a relación existente entre a subvención solicitada e o orzamento de gastos presentado. Tomarase como referencia a achega económica propia que debe facer cada entidade para cubrir o seu proxecto. Á entidade con maior achega económica (menor cociente) outorgaráselle 20 puntos e ao resto proporcionalmente. Só se computarán en este apartado as solicitudes que anexen unha declaración responsable asumindo expresamente a contribución de dita porcentaxe.
- **Interese da actividade para o sistema deportivo local.** Ata 20 puntos
 Valorarase o interese para o sistema deportivo local, en función dos fins e necesidades que o Concello de Arteixo considera para o mesmo e tendo en conta a interacción da entidade solicitante e o impacto sobre a xestión do mesmo:

Teranse en conta, entre outros, factores como o carácter formativo do evento, que poñan en valor a riqueza natural do concello, o ámbito, o número de participantes, a importancia da proba, a visibilidade que da ao concello, a repercusión nos medios de comunicación, a asistencia de público, a complexidade técnica ou administrativa.....

Sobre os puntos acadados para cada evento en cada criterio, aplicarase un coeficiente para todos aqueles eventos que superen un presuposto de gasto de 25.000€, de xeito que para todos aqueles eventos que que teñan uns gastos que superen o importe de 25.000€ o coeficiente a aplicar será o que se reflicta na seguinte táboa, en función do ámbito do evento.

ÁMBITO DO EVENTO	COEFICIENTE A APLICAR
Campionato de España ou ámbito superior	3
Campionato Galego	1,5
Campionato Provincial	1

Programa 4: Fomento de programas de actividade física saudable (Máximo 100 puntos). Defínense este tipo de programas aos que teñen como obxectivo prioritario crear as condicións para que a poboación goce dunha vida máis activa, que permita conservar a saúde e a autonomía persoal, gozar de maior benestar e calidade de vida, e previr e reducir a presenza de enfermidades relacionadas co sedentarismo, desde a infancia ata a vellez. Valorarase neste apartado a creación, dirección técnica, organización, e desenvolvemento das Escolas Deportivas da modalidade específica que corresponda durante o curso escolar e/ou a súa continuidade no período estival. Tamén se valorará a execución de campus deportivos, ou programas deportivos que terán como principal obxectivo a promoción do deporte con fins educativos, lúdicos e sociais. O persoal docente destes programas deberá ser contratado e remunerado polo Club, na forma que legalmente está establecida (facturas, nóminas ou recibos coa correspondente retención do IRPF), de quen dependerá, o cal fixará ademais o programa de ensinanza e réxime interior.

O club estará obrigado a que o persoal e monitor encargados de planificar, executar e impartir estes programas se atope en posesión da cualificación necesaria que deberá acreditarse por medio de titulación académica (Licenciatura ou Grao en Ciencias da Actividade Física e o Deporte, Maxisterio con especialidade ou mención en Educación Física, calquera dos ciclos formativos de animación de actividades físicas e deportivas-animación socio-deportiva ou acondicionamento físico ou Ciclo Medio en actividades no medio natural) ou titulación deportiva específica á modalidade deportiva de referencia. O club tamén ten a obriga de xustificar as retribucións deste monitor. As cotas a satisfacer polas persoas participantes destas escolas deportivas deberán ser similares aos prezos públicos estipulados na ordenanza fiscal correspondente, e deberán de xustificarse na fase de xustificación das subvencións mediante facturas, nóminas e os xustificantes de pago dos seus emolumentos. A ponderación atribuída a este criterio asignarase en base ao seguinte baremo en función dos seguintes criterios:

- **Proxecto técnico da actividade programada.** Ata 50 puntos
Descrición: Obxectivos xerais, específicos e actividades planificadas. Ata 5 puntos
Estrutura Técnica necesaria para desenvolver o programa. Ata 10 puntos.
Desenvolvemento. Duración en días e xornadas (horas da actividade cada día) do programa. Ata 15 puntos.
Número de participantes. Ata 10 puntos
Franxa de idades a quen vai dirixida. Ata 10 puntos.
- **Traxectoria da actividade e grao de consolidación no sistema deportivo local.** Ata 10 puntos. Antigüidade da presenza do club dentro do tecido deportivo municipal.
- **Orzamento.** Terase en conta a relación existente entre a subvención solicitada e o orzamento de gastos presentado. Tomarase como referencia a achega económica propia que debe facer cada entidade para cubrir o seu proxecto. Á entidade con maior achega económica (menor cociente) outorgaráselle 20 puntos e ao resto proporcionalmente. Só se computarán en este apartado as solicitudes que axunten unha declaración responsable asumindo expresamente a achega de dita porcentaxe.
- **Interese da actividade para o sistema deportivo local.** Valorarase o interese para o sistema deportivo local, en función dos fins e necesidades que o Concello de Arteixo considera para o mesmo e tendo en conta a interacción da entidade solicitante e o impacto sobre a xestión do mesmo. Ata 20 puntos.

Programa 5: Programa de Deportes Autóctonos. Defínense este tipo de programas aos que teñen como obxectivo prioritario a promoción dos deportes autóctonos (chave, birlos, billarda,...) para que seguen mantendo o obxectivo de contribuír

á divulgación e a exhibición dos deportes autóctonos e tradicionais. A ponderación atribuída a este criterio asignarase en base ao seguinte baremo en función dos seguintes criterios:

- Número de partidos previstos no calendario oficial e ámbito xeográfico. Considerarase o ámbito xeográfico de participación na competición regular con formato de Liga, os desprazamentos definidos no calendario, é dicir, o nome da competición non definirá o seu ámbito xeográfico.
 - o Comarcal: 1 punto por xornada.
 - o Provincial: 2 puntos por xornada.
 - o Autonómico: 4 puntos por xornada.
- Número de licenzas e tipo:

TIPO DE LICENZA	PUNTOS
Licenza masculina.	1
Licenza feminina.	2

1. Contía individualizada da subvención e criterios para a súa determinación. (Art. 17.3.f) LXS). Unha vez sumada a puntuación obtida por todos os expedientes, é necesario achar o valor punto. Para elo, de acordo co artigo 22.1 da LXS prorratearase o importe total a repartir entre o número total de puntos obtidos por todas as accións subvencionadas. O valor económico do punto será o resultante de dividir o total do crédito orzamentario asignado, conforme á consignación establecida na convocatoria anual, entre a cifra resultante da suma total dos puntos acadados pola totalidade das solicitudes admitidas e completas, respectando, en todo caso, os máximos e os mínimos establecidos nesta convocatoria. Se a cantidade resultante desta operación fose superior á subvención solicitada e subvencionable, concederáselle esta última.

No caso de que algún criterio dos distintos programas quede deserto, poderase destinar a cantidade correspondente de ese criterio ao crédito total do programa.

Non se poderá solicitar subvención por un importe superior ao 80% do custo total da acción para a que se solicita subvención, segundo o orzamento presentado, xa que o 20% restante é de obrigada asunción pola entidade.

2. Órganos competentes para a ordenación, instrución e resolución do procedemento de concesión da subvención e prazo en que será notificada a resolución. (Art. 17.3.g) LXS). O procedemento instruírse no Servizo de Deportes, polo técnico ou técnica competente de dito servizo, que realizará as actuacións que se sinalan no artigo 10a) da Ordenanza municipal número 26 reguladora da concesión de subvencións municipais do Concello de Arteixo. O órgano competente para resolver o procedemento é a Xunta de Goberno Local do Concello, segundo artigo 127 da Lei 7/85, de 2 de abril, reguladora das Bases de Réxime Local e demais lexislación vixente.

Comisión avaliadora. A valoración das solicitudes e documentación achegada efectuarase por unha Comisión Avaliadora, formada por dous técnicos de Deportes e unha persoa concelleira do Concello de Arteixo.

Funcións do órgano instrutor:

- Requirirle á entidade solicitante naqueles supostos nos que a documentación presentada resulte incompleta e/ou defectuosa para que no prazo de dez días hábiles emende as deficiencias observadas, de conformidade e cos efectos previstos no artigo 68 da lei 39/2015 do 1 de outubro do procedemento administrativo común das administracións públicas considerándose desistida do seu dereito se transcorrido o prazo non atende ao requirido.
- Requirir os informes precisos e efectuar as comprobacións que estime oportunas a fin de verificar os datos achegados para unha mellor valoración das solicitudes.
- Realizar a preavaliación das solicitudes verificando o cumprimento das condicións impostas para adquirir a condición de beneficiaria/o e efectuar a avaliación conforme aos criterios, formas e prioridades dispostos na convocatoria, elevando o correspondente informe á comisión de valoración de cada un dos expedientes.

O órgano instrutor, en función da puntuación obtida por cada expediente, formulará a proposta de resolución que será aprobada pola Xunta de Goberno Local.

- 1. Determinación dos libros e rexistro contables específicos para garantir a axeitada xustificación da subvención.** (Art. 17.3.h) LXS). En aplicación do artigo 43 da Lei 3/2012, de 2 de abril, do deporte de Galicia, as entidades deportivas solicitantes terán a obriga de facilitar toda a información que lles sexa requirida. Así mesmo, deberán levar os libros de contabilidade, susceptibles de xustificar a exactitude dos resultados das operacións económicas realizadas e que reflectan a imaxe fiel da súa actividade económica.

- 2. Prazo e forma de xustificación.** (Art. 17.3.i) LXS). O prazo de presentación da conta xustificativa especificarase en cada convocatoria anual. De non presentarse a xustificación dentro de prazo, por resolución da Presidencia iniciarase expediente de anulación do correspondente compromiso. A resolución final notificaráselle á entidade e á Intervención Municipal para a súa constancia contable. Este Concello reserva o dereito de comprobar, polos medios que estime oportunos, que a xustificación é correcta, quedando o beneficiario obrigado a facilitar tanta información sexa requirida polo servizo xestor para a Intervención Municipal.

2.1 Consideracións xerais.

Debido ás características das entidades destinatarias e a natureza obxecto das subvencións, de acordo co previsto no art 17.3 k) e art 34.4 da Lei Xeral de Subvencións e os art 88.2, e 42 e 43 do Regulamento da Lei Xeral de Subvencións, prevese un pagamento anticipado do 50% do importe da subvención, en concepto de entrega de fondos con carácter previo á xustificación, que se tramitará tras a correspondente resolución da concesión sen necesidade de solicitude previa por parte da entidade beneficiaria e con dispensa de garantía. Unha vez xustificada a subvención debidamente, realizarase o pago do 50% restante.

Unha vez sexa comunicada a resolución para actividades deportivas por concorrencia competitiva, só será posible renunciar á totalidade ou a unha parte da mesma nun intervalo de tempo non superior a 5 días hábiles. No suposto de non telo feito, entenderase que poderán xustificar o 100% do indicado na resolución.

O orzamento subvencionado a xustificar será o importe da subvención concedida, aplicando un coeficiente de financiamento do 0,8. Dividirase o importe concedido entre 0,8.

No caso de ter outras subvencións ou ingresos propios para o mesmo obxecto que, en concorrencia coa subvención do Concello de Arteixo, teñan un importe superior á cantidade resultante do cálculo anterior, o orzamento subvencionado para xustificar será a suma das subvencións e ingresos.

O gasto xustificado documentalmente deberá acadar polo menos, o importe do presuposto total a xustificar.

Toda alteración das condicións tidas en conta para a concesión da subvención, en todo caso a obtención concorrente de subvención doutras administracións públicas ou entidades privadas, poderá dar lugar á modificación da resolución da concesión.

O importe das subvencións concedidas en ningún caso poderá ser de tal contía que en concorrencia con subvencións ou axudas doutras Administracións públicas ou entidades privadas supere o custo da actividade que desempeñe o beneficiario.

2.2 Documentación xustificativa

A conta xustificativa presentarase a través dos medios electrónicos e nos termos dispostos no artigo 5 (Forma e prazo de presentación de solicitudes), dirixido ao Servizo Municipal de Deportes, a seguinte documentación acreditativa, e deberá respectar o contido mínimo que marca o artigo 75 do RD 887/2006, Regulamento de Subvencións, polo que deberá incluír:

- Memoria das actuacións xustificativas. Segundo modelo normalizado.
- Memoria económica, coa relación de gastos, e a certificación doutras axudas ou subvencións percibidas para a mesma finalidade. Tamén carta de pago en caso de reintegro de sobrantos, no seu caso.
- Para a acreditación do cumprimento da obriga das medidas de difusión que debe adoptar a entidade beneficiaria da subvención para dar axeitada publicidade ao carácter público da financiación da actividade, atenderase ao contido do artigo 31 do Real Decreto 887/2006 de 21 de xullo, polo que se aproba o regulamento da Lei 38/2003, de 17 de novembro, Xeral de Subvencións.
- Admitiranse facturas e xustificantes vinculadas á tempada actual (1 de outubro ano anterior á convocatoria – 30 setembro do ano da convocatoria).
- As facturas e demais xustificantes deben de ser escaneadas e presentadas nun só arquivo PDF pola propia entidade obrigatoriamente, do mesmo xeito que o que o resto da documentación xustificativa.
- Achegaranse orixinais ou copias cotexadas das facturas vinculadas á tempada actual, recibos, nóminas e demais documentos de valor probatorio, polos conceptos incluídos no orzamento inicial e polo importe mínimo sinalado na notificación da subvención. Cando se faga unha xustificación con transferencia bancaria, terá que relacionarse a factura coa correspondente transferencia, así como a cantidade da mesma que está xustificando. Estes documentos ademais están suxeitos ás seguintes normas:

a) Non se admitirán facturas de bebidas alcohólicas, tabaco ou calquera outro produto considerado lesivo para a saúde.

b) O importe que se xustifique en concepto de gastos de mantemento (alugueiro, luz, gas, auga, teléfono, consumibles de oficina, etc.) non poderá superar o 20% do importe total do presuposto a xustificar.

c) Os gastos de persoal acreditaranse, con carácter xeral, mediante facturas ou nóminas. Estas deben acompañarse da documentación que certifique o seu pago (recibos, transferencias bancarias...) Só se admitirá recibín cando reflecta a correspondente retención do IRPF e a repercusión do IVE. En calquera caso, deberán acompañarse do xustificante de ingreso do IRPF na Axencia Tributaria.

d) As facturas só poderán ser substituídas por outros documentos cando así o admita o artigo 4 do RD 1496/2003, Regulamento de Facturación.

e) Admitiranse pagos en efectivo por importes de ata 300 €. No caso que o pago de un servizo estea fraccionado en varios pagos, o límite de 300 € entenderase para o conxunto dos correspondentes ao servizo. Cando se xustifiquen estes pagos en efectivo, deben estar debidamente acreditados mediante o selo da empresa, certificado ou calquera outro que acredite o pago deses gastos.

f) Na liña do programa de eventos deportivos, admitiranse como gasto xustificable os premios económicos outorgados pola entidade en eventos organizados por esta. En ditos premios debe de vir indicada a retención correspondente (*premios menores ou igual a 300€ sen retención, resto 19% segundo se indica no artigo 101.7 da Lei do IRPF e no artigo 75.3.f do regulamento do IRPF*).

g) Os servizos contratados que se facturen de forma periódica (asesoría, teléfono, alugueiro dun local...) deberán pagarse por transferencia bancaria, aínda que o importe periódico que se facture e abone, por exemplo mensualmente, non supere os 300€.

h) As facturas presentadas coa finalidade de xustificar o gasto non poderán ser utilizadas para a xustificación de outras subvencións públicas ou privadas para o mesmo obxecto.

2.3 Tramitación da xustificación

Á vista da documentación xustificativa presentada, logo dos informes do Servizo Municipal de Deportes e do Servizo de Intervención, a Xunta de Goberno, aprobará as contas xustificativas e procederase ao pagamento da subvención.

No caso de que a documentación xustificativa fora incorrecta ou insuficiente, darase un prazo de dez días para a súa corrección. De non cumprirse este requisito dentro do prazo sinalado, e sempre que se acredite o cumprimento da finalidade, o importe da subvención reducirase proporcionalmente aos gastos xustificados correctamente, aplicando o coeficiente de financiamento.

Pasado dito prazo, en caso de non achegar a documentación requirida, archivarase o expediente e anularase a subvención.

Para a valoración do cumprimento da finalidade básica da subvención e pagamento dela, terase en conta o seguinte:

- a) No caso de que se xustifique gasto polo 100% do presuposto a xustificar, aboarase a totalidade da subvención.
- b) No caso de que se xustifique gasto inferior ao 100% e, a lo menos do 50% do presuposto a xustificar, aboarase a parte proporcional da subvención.
- c) No caso de que se xustifique gasto inferior ao 50% do presuposto total a xustificar, non se considerará cumprida a finalidade básica da subvención, consonte co que non se aboará cantidade ningunha, e o beneficiario deberá devolver a cantidade que recibiu anticipadamente.

3. Medidas de garantía que se consideran precisas a favor do Concello de Arteixo, medios de constitución e procedemento de cancelación. (Art. 17.3.j) LXS). En aplicación do artigo 42.2.d) do Real Decreto 887/2006 de 21 de xullo, polo que se aproba o regulamento da Lei 38/2003, se 17 de novembro, Xeral de Subvencións, as entidades beneficiarias das presentes subvencións quedan exoneradas da constitución de garantía.

4. Circunstancias que, como consecuencia da alteración das condicións tidas en conta para a concesión da subvención, poderán dar lugar á modificación da resolución. (Art. 17.3.l) LXS). Non se admite a alteración das condicións tidas en conta para a concesión da subvención e, polo tanto, non proceden posibles modificacións da resolución.

5. Compatibilidade con outras subvencións, axudas, ingresos ou recursos para a mesma finalidade, procedentes de outras Administracións Públicas ou entes públicos ou privados, nacionais, da Unión Europea ou de organismos internacionais. (Art. 17.3.m) LXS). Permiteuse a compatibilidade con outras subvencións cos seguintes condicionantes:

- No caso de solicitar e/ou recibir outras Subvencións parte doutras Administracións Públicas, para o financiamento da mesma finalidade da actividade que se subvenciona, deberán aportar copia da relación de gastos presentada na Entidade correspondente (con xustificante de presentación) que acredite os gastos que foron presentados para a xustificación das mesmas.
- Que os gastos que se presentarán ante outros axentes financiadores en ningún caso coincidirán cos presentados para a subvención solicitada ao Concello de Arteixo.
- Que en todo caso a Entidade farase cargo do 20% do orzamento con fondos propios da mesma.

1. Gastos subvencionables. Son aqueles que de xeito indubidable respondan á natureza da actividade subvencionada e se realicen no prazo de execución establecido na presente convocatoria (*1 de outubro ano anterior á convocatoria – 30 setembro do ano da convocatoria*). Deberase acreditar fielmente no correspondente xustificante de gasto que este está directamente relacionado coa actividade subvencionada. A estes efectos só se poderán subvencionar os seguintes gastos:

- Licenzas federadas dos deportistas, co correspondente certificado federativo.
- Mutuality, seguros de responsabilidade civil e accidentes, cos pertinentes certificados e facturas.
- Arbitraxes en competicións oficiais, con certificados ou facturas da federación.
- Transporte, por medio de facturas, acompañadas de calendario oficial de competicións. Serán admitidos os custos para desprazamentos para competicións e adestramentos federados e calendarizados que se realicen en vehículos particulares de responsables técnicos ou directivos do club. Calcularase o importe de ditos desprazamentos baseándose na seguinte fórmula (kms percorridos dende Arteixo á localidade correspondente multiplicado polo prezo por km que virá determinado pola Axencia Estatal de Administración Tributaria, no seu apartado de “Asignacións para gastos de locomoción”.
- As peaxes correspondentes das viaxes, acompañadas cos calendarios oficiais.
- Retribucións a persoal técnico, ou persoal necesario para o desenvolvemento das actividades (xuíces, nutricionistas, fisioterapeutas, especialistas, etc...) acreditaranse mediante facturas ou nóminas, só se admitirá o recibín cando reflecta a correspondente retención do IRPF, e a repercusión do IVE. En calquera caso deberán acompañarse do xustificante de ingreso do IRPF na Axencia Tributaria. As nóminas deben vir acompañadas do pertinente recibo bancario ou transferencia que certifique o seu pago.
- Gastos de recoñecemento previo, atención médica e fisioterapia.
- Custos por inscrición de equipos ou deportistas para participar en competicións oficiais federadas.
- Material deportivo funxible (non inventariable). As facturas presentadas deberán desagregar especificamente o material deportivo comprado. Non se admitirán facturas con conceptos xenéricos, nin facturas de roupa nun número reducido de unidades iguais (mínimo 6 de cada elemento) cando se trate de entidades deportivas, que a criterio da comisión avaliadora estime a súa improcedencia.
- Gastos de mantemento (alugueiro, luz, gas, auga, teléfono, consumibles de oficina. *(non poderá superar o importe total do 20% do importe a xustificar)*).
- Gastos de manutención e hospedaxe correspondentes a calendarios de competición oficiais da correspondente federación deportiva, tomando como referencia o Real Decreto 462/2002, de 24 de maio, sobre indemnizacións por razón do servizo, indicado no seu anexo II (grupo 2).
- Gastos de asesorías laborais, xestores, ou plataformas de xestión para clubs ou entidades análogas.
- Gastos de publicidade e imprenta das actividades deportivas.
- Gastos de trofeos e medallas.
- Gastos en federacións deportivas (licenzas, canons de participación, seguros, arbitraxes e outros). Este tipo de gastos poderán ser xustificados a través de certificados emitidos polas federacións deportivas que recollan adecuadamente os datos fiscais das partes, as achegas económicas desagregadas, as retencións obrigatorias de ser o caso; e demais datos que xustifiquen o valor probatorio do gasto en base á eficacia administrativa do acto.
- Gastos en organización de eventos ou actividades (canons por organización, proxectos técnicos, retribucións ao persoal necesario para o desenvolvemento do evento ou actividade, debidamente acreditados, alugueiro ou compra de material, e calquera outro que se corresponda coa natureza do evento subvencionado).
- Gastos financeiros relativos aos pagos por transferencias bancarias relacionados co obxecto da subvención.
- Equipamento de primeiros auxilios e da caixa de urxencias.
- Premios económicos outorgados polo club en eventos organizados por este. (Só no programa eventos deportivos). En ditos premios debe de vir indicada a retención correspondente (premios menores ou igual a 300€ sen retención, resto 19% segundo se indica no artigo 101.7 da Lei do IRPF e no artigo 75.3.f do regulamento do IRPF).

Considéranse como gastos non sufragables para todos os programas os seguintes:

- Aqueles que non respondan á natureza da actividade subvencionada
- Entradas ou accesos a museos, teatros, cines, edificios históricos, exposicións, parques acuáticos, temáticos ou de atraccións, locais de lecer, ou a calquera espectáculo, atracción ou actividade de calquera natureza que non sexa a propia da subvención. Tampouco se admitirán aqueles pagos a terceiros pola realización ou participación en actividades diversas, como as que se adoitan encadrar no contexto de campamentos o convivencias de clubs (rutas a cabalo, kayak, surf...), nin por alugueiro ou contratación de actuacións, animacións, cursos ou infraestrutura para levar a cabo estas actividades.
- Non se admitirán facturas de bebidas alcohólicas, tabaco ou calquera outro produto considerado lesivo para a saúde.
- Os que se realicen fóra do prazo de execución establecido na presente convocatoria.
- Os intereses debedores das contas bancarias.
- Intereses, recargas e sancións administrativas e / ou deportivas.
- Os gastos de procedementos xudiciais.

1. Obrigas das entidades beneficiarias. As entidades beneficiarias, unha vez aceptada a subvención, están obrigados a:

a) Realizar as actividades propostas. Os cambios deberán comunicarse previamente á súa xustificación para seren admitidos. Se os cambios provocan un presuposto superior ou igual ao presuposto inicial, manterase o coeficiente de financiamento, o importe da subvención e o presuposto subvencionado; se o presuposto é inferior ao inicial, deberá determinarse un novo coeficiente de financiamento, novo importe e novo presuposto subvencionado, que serán inferiores ao inicialmente establecido.

b) Presentar as contas xustificativas e destinar as axudas aos fins para os que se concederon e acreditar perante o Concello o cumprimento da finalidade proposta. No suposto da liña de eventos deportivos, esta acreditación realizárase, ademais de coa xustificación documental pertinente, coa presentación de carteis anunciadores ou outra información escrita.

c) Comunicarlle ao Concello a obtención doutras subvencións ou axudas para a mesma finalidade que procedan doutras administracións e/ou entes públicos ou privados.

d) Facer constar explicitamente na totalidade da publicidade e/ou actividade informativa que se realice por calquera medio (impreso ou non) que conta con subvención do Concello de Arteixo. En todos os programas subvencionados que leven difusión ou publicación (dípticos, carteis, impresos, anuncios, placas conmemorativas, soportes electrónicos e audiovisuais, vídeo-marcadores,...) farase constar o logotipo do Concello de Arteixo segundo as especificacións de imaxe corporativa que figuran na web do concello, e nas mesmas condicións de visibilidade que o resto de logotipos. En todo caso, nos espazos que utilice a entidade e nos lugares de realización das actividades, informarase do financiamento público do Concello a través dun cartel tamaño mínimo A3 nun lugar destacado e visible. Tanto as entidades deportivas como os deportistas individuais terán a obriga de portar no lugar que corresponda das prendas deportivas de competición os logotipos do Concello e do Servizo Municipal de Deportes, de tamaño polo menos equivalente ao logotipo dos seus patrocinadores principais. Asemade, no caso de dispoñer de páxina web ou redes sociais, deberase facer constar que reciben unha axuda municipal e colocarán o logotipo municipal na publicación, facendo mención de que se atopan subvencionados polo Concello de Arteixo.

e) Colaborar cos departamentos municipais nos actos para os que sexan requiridos.

f) Divulgar a programación deportiva municipal nos seus locais, páxinas web, redes sociais, Vídeo-Marcadores... entre os seus asociados, e entre a poboación en xeral, sempre dentro da capacidade que lle permitan os seus medios.

g) As entidades beneficiarias deberán levar a contabilidade segundo a normativa que lles resulte aplicable, de xeito que quede garantido o rexistro dos gastos subvencionables e de todos os ingresos obtidos, diferenciando entre os recursos xerais e os afectados especificamente ao financiamento do programa subvencionado.

2. Infraccións e sancións (Art. 17.3.n) LXS). Constitúen infraccións administrativas en materia de subvencións as accións e omisións tipificadas na Lei 38/2003, de 17 de novembro, Xeral de Subvencións artigos 56 a 58, e serán sancionadas incluso a título de simple negligencia. Serán responsables as persoas físicas ou xurídicas públicas ou privadas, que por acción u omisión incorran nos supostos tipificados como infraccións nesta lei.

As infraccións leves, graves e moi graves, serán as tipificadas nos artigos 56 a 58 da Lei 38/2003; e as sancións por infracción leve, grave e moi grave serán as establecidas nos artigos 61 a 63 da citada norma.

O procedemento sancionador axustarase ao previsto no Título IV de dita Lei 38/2003.

A presentación fóra de prazo da xustificación, considerarase unha infracción leve, de conformidade co establecido nos artigos 52 a 69 da Lei 38/2003, de 17 de novembro, Xeral de Subvencións. A ditos efectos, previa tramitación do expediente oportuno, imponse unha sanción do 10% do importe da subvención concedida, no caso de que se presente a xustificación fóra de prazo.

No caso do incumprimento da obriga da publicidade institucional reflectida no punto 18.d de estas bases reguladoras, aplicarase unha sanción do 30% do importe da subvención. Se a entidade non cumpre coa obriga de gardar a proporción do logotipo municipal indicada no mesmo artigo, aplicarase unha sanción do 5% do importe da subvención.

Arteixo a 07 de abril de 2025

O Alcalde-Presidente

Asdo. Carlos Calvelo Martínez

2025/2198